

¹ ELEFANTARIA eidem Notitiæ, qua *Vassivi* Episcopi mentio est.

GARRA Ptolem. lib. 4. cap. 2. cujus Episcopi memoria apud Victorem Uticensem, ut author est Ortelius: An *Victor* Gartanensis pro Garranensi legatur in Collatione Carthagenensi dubium est.

MURCONIUM Victori Uticensi MS. ² Hujus Episcopus *Maddanius* dicitur in Notitia Africæ.

IDA Notitiæ Africæ, cujus Episcopus *Subitanus* ibidem legitur.

³ THUBUNÆ D. August. Epistola 70. *Nemesiani* Episcopi à Thubunis meminit D. Cyprianus in Concilio Carthagenensi.

OPPINUM Ptolem. lib. 4. cap. 1. hodie dicitur *Rabath*, cujus Episcopus *Leo* subscripsit Concilio Carthag. 7.

TUSCAMIA Notitiæ Africæ, cujus Episcopus *Maximus* ibidem dicitur.

⁴ GUNAGITA Notitiæ Africæ, vel Gunaita Victori Uticensi apud Ortelium. *Auxilium* Gunagitanum habet eadem Notitia.

MAXITA Victori Uticensi MS. apud Ortelium, cujus Episcopi *Felix* meminit Notitia Africæ.

SATAFA Notitiæ Africæ. ⁵ *Crescens* Episcopus Satafensis ibidem dicitur.

VISSALSA Notitiæ Africæ, Vifala Victori Uticensi apud Ortelium, cujus Episcopus *Saturninus* dicitur in eadem Notitia.

ADSINUADA, cujus Episcopus *Gajus* recensetur in eadem Notitia.

NUMIDIA eidem Notitiæ. *Januarius* Episcopus Numidiensis adfuit Collationi Carthagenensi.

CASTELLUM Ripense Victori Uticensi apud Ortelium. ⁶ *Cerealis* hujus civitatis Episcopi mentio est in Notitia Africæ.

TAMUDA Plin. lib. 5. cap. 2. vel ut putat Ortelius Tanuda. *Donatum* Episcopum Tanudatensem habet Collatio Carthagenensis.

CALTADRIA Victori Uticensi apud Ortelium. *Victoris* Episcopi Caltadriensis meminit Notitia Africæ.

⁷ SUBUR Ptolem. lib. 4. cap. 1. *Maximianus* Episcopus Suburitanus est in Collatione Carthagenensi.

AMBIA Victori Uticensi MS. *Felix* Episcopus Ambiensis est in Notitia Africæ.

MURUSTAGA Victori Uticensi apud Ortelium. *Martianus* Episcopus Murustagensis est in Notitia Africæ.

FALLABA Notitiæ Africæ, in qua *Salo* Episcopus Fallabensis legitur.

⁸ BIDA Ptolem. lib. 4. cap. 2. Bida legunt interpretes. *Campanum* Episcopum Bidentensem habet Notitia Africæ.

MANACCENSERI Victori Uticensi apud Ortel. cujus Episcopus *Victor* nuncupatur in Notitia Africæ.

⁹ TIFILTA Victori Uticensi MS. *Donatus* Episcopus Tifiltensis est in Notitia Africæ.

CAS-

NOTE LUCE HOLSTENII.

¹ *Elefantaria &c.*] Miggen Elephantariensis Maximianista ex Concilio Bagajensi Donatistarum apud S. August. lib. 3. contra Cresconium Gramm. cap. 19. & cap. 53. ubi legitur inter xii. Ordinatores Maximiani in Synodo Cabarfussensi, & antea in Concilio Carth. Donatistarum apud Augustin. in Psal. 36.

² *Hujus Ep. Maddanius*] Murconensis. &c. Huc pertinet Auxilius Nurconensis in Collat. Carth.

³ *Thubunæ*] Tubunæ. [*Nemesiani Ep. à Tubunis mem. D. Cypr. &c.*] Tubunensem Sedem vacantem commemorat Notit. Afric. Cresconius Villaregensis Episc. Tubunensis Ecclesiæ invasor accusatur in Concil. Africano can. 15. Cod. Canon. & Limes Tubunensis Notitia Imperii.

⁴ *Gunagita*] Gunugu Plin. MS. & Itinerar. Antonini.

⁵ *Crescens Episc. Sataf.*] & Adeodatus in Coll. Carth. de quo supra pag. 110. Huc pertinet Donatus Satacensis in Mauritania Cæsariensi Episcopus apud S. Leonem M. Epist. 87. Ita enim in vetustiss. MS. Vat. 1344. legitur, ubi vulgo Saliciniensis editur.

⁶ *Cerealis*] Hic Cerealis à Gennadio inter Scriptores Ecclesiasticos commemoratur cap. 95. & Libellus ejus de Fide Catholica contra Maximum Arrianum extat in Bibliotheca SS. Patrum; ubi in principio libri simpliciter Castellensis Episcopus vocatur.

⁷ *Subur*] eadem cum Zuchabari supra pag. 113. [*Maxim. Episc. Subur. est in Coll. Carth.*] Idem infra pag. 120. Suboabbiritenis, ut in Coll. pag. 136.

⁸ *Bida &c.*] Limes Bidentis in Notitia Imperii.

⁹ *Tifilta &c.*] Et pertinet etiam huc fortè Donatus alius Tifiltensis in Coll. Carth.